



SAKSFRAMLEGG

Sakshandsamar: Jan Erik Boge	Arkivkode: FA-Q12
Arkivsaksnr: 21/740	Løpenr: 21/8331
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	21.10.2021	098/2021

Innspel/høyringsuttale til førehandsvurdering av bompengelopplegg E16 Arna - Stanghelle

21.10.2021 Kommunestyret:

Handsaming i møtet:

Bompenger for Samnanger, foreslått av Karl Bård Kollbotn, Framstegspartiet

Nei til å betale full sats for veg fra Arna til Trengreid to ganger. Innbyggere i Samnanger har allerede betalt for denne vegstrekningen. Det må i så fall være en reduksjon i bompenger for de som skal i retning Samnanger på minst 50%.

Gjengjeld for å betale bompenger, foreslått av Karl Bård Kollbotn, Framstegspartiet

Steinmasser fra prosjektet skal dedikeres til gang/sykkelveg fra Trengreid til Årland. Masser fra prosjektet skal også brukes til å oppgradere vegen fra Hisdal til Os.

Innspel høyringsuttale om bompengelopplegg E16, foreslått av Arild Røen, Høgre

Samnanger kommune er inneforstått med at ny E16 må finansieras med bompengar. Likevel har pendlarar aust for Bergen allerie betalt bompengar for delar av gamlevegen i Arnanipatunnellen. Me ber difor om at reduserte bompengar vert vurdert på gamlevegen, alternativ at bomstasjonen vert plassert aust for Trengreid.

Vidare ynskjer Samnanger at overskotsmassar vert vurdert nytta også aust for Gulbotn (FV 579 og utviding/utbedring) og gang/sykkelveg Hisdal Ådland.

Denne saka vart i utgangspunktet sendt som referatsak til naturutvalet. Naturutvalet valde å sende saka vidare til kommunestyre for handsaming og å få på plass eit innspel/ ei høyringsuttale frå Samnanger kommune.

Kommunestyrerepresentantane diskuterte saka og Shirin Kvernes Khadoor (Ap) bad om eit gruppemøte.

Etter gruppemøtet sette Arild Røen (H) fram følgjande fellesframlegg til vedtak.

"Samnanger kommune er inneforstått med at ny E16 må finansieras med bompengar. Likevel har pendlarar aust for Bergen allerie betalt bompengar for delar av gamlevegen i Arnanipatunnellen. Me ber difor om at reduserte bompengar vert vurdert på gamlevegen, alternativ at bomstasjonen vert plassert aust for Trengreid.

Vidare ynskjer Samnanger at overskotsmassar vert vurdert nytta også aust for Gulbotn (FV 579 og utviding/utbedring) og gang/sykkelveg Hisdal Ådland".

Dette fellesframlegget vart samrøystes vedteke.

KS- 098/2021 Vedtak:

Samnanger kommune er inneforstått med at ny E16 må finansieras med bompengar. Likevel har pendlarar aust for Bergen allerie betalt bompengar for delar av gamlevegen i Arnanipatunnellen. Me ber difor om at reduserte bompengar vert vurdert på gamlevegen, alternativ at bomstasjonen vert plassert aust for Trengereid.

Vidare ynskjer Samnanger at overskotsmassar vert vurdert nytta også aust for Gulbotn (FV 579 og utviding/utbedring) og gang/sykkelveg Hisdal Ådland.

Rådmannen sitt framlegg til vedtak:

Saka vert lagt fram utan tilråding.

Dokument som er vedlagt:

E-post frå Statens vegvesen

Brev frå Statens vegvesen

Førehandsvurdering - utgreiing frå Statens vegvesen

E-post frå Samnanger Næringsforum

Kommentarar/uttale frå Samnanger Næringsforum

Kva saka gjeld:

I møteinnkallinga til naturutvalet 05.10.2021 låg det ved ei orienteringssak om førehandsvurdering av bompenggeopplegg for delvis bompengefinansiering av E16 Arna – Stanghelle. I møteprotokollen frå naturutvalsmøtet 05.10.2021 går det fram at utvalet ønskjer at Samnanger kommune skal uttala seg i denne saka. Etter avtale med ordføraren legg rådmannen no fram saka til handsaming i kommunestyret 21.10.202. Rådmannen har dessverre ikkje hatt kapasitet til å skriva ei utfyllande saksutgreiing i denne saka.

Bakgrunn:

Statens vegvesen sende 10.09.2021 eit brev til Vestland fylkeskommune samt kommunane Bergen, Kvam, Osterøy, Vaksdal og Voss om denne saka. I brevet vart kommunane inviterte til å koma med innspel til den vidare utgreiinga av bompenggeopplegg med takst- og rabattsystem for E16 Arna - Stanghelle. Samnanger står ikkje på mottakarlista for dette brevet, men fekk likevel brevet tilsendt på e-post frå Statens vegvesen 10.09.2021. Det går fram av e-posten at også Samnanger kommune er invitert til å koma med innspel til dei vidare utgreiingane av bompengesak for E16 Arna – Stanghelle. I overskrifta i e-posten brukte Statens vegvesen omgrepet «høyring», medan dei i brevet brukte omgrepet «innspel». Både brevet, e-posten og Statens Vegvesen si utgreiing/førehandsvurdering følgjer vedlagt.

Rådmannen viser til dei vedlagte saksdokumenta for detaljert informasjon om saka. Kommunestyret må sjølv avgjera om Samnanger skal gje uttale/koma med innspel i saka.

Vedlagt følgjer også kopi av uttale frå Samnanger Næringsforum.